

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Awe 6 di november ta recorda heroe Arubano, Boy Ecury

Riba di peticion di Fundacion Parke Boy Ecury conhuntamente cu Departamento di Cultura Aruba, Biblioteca Nacional, Museo Arqueologico, Archivo Nacional, Gobierno di Aruba a declara dia 6 di november como un dia anual pa Conmemoracion di Luchadornan pa Libertad.

Gobierno di Aruba hunto cu Fundacion Parke Boy Ecury a invita tur persona pa presencia un ceremonia pa conmemora e fecha historico aki, cu ta tuma lugar awe di 8:30am pa 10:30am.

Ademas, tin tres exposicion dedica na tur luchador di residencia nacional y den Reino.

E prome ta na Biblioteca Nacional di Aruba su seccion Arubiana, na Bachstraat 5 cu tabatin su apertura dia 30 di october ultimo. Tambe tin e "Exposicion Libertad" na Museo Arqueologico Nacional Aruba, na Schelpstraat 42 cuminsando ayera dia 5 di november y cu ta conta cu participacion di artistanan Giolina Henriquez, Lisa Oye-Salas, Suelyn Dankerlui y Vanessa Paulina. Finalmente, awe di 2pm pa 4pm, na Archivo Nacional Aruba na Sabana Blanco 60, tin otro exposicion di Boy Ecury.

Boy Ecury Un di e rebeldenan cu a bringa contra e regimen Nazi den Europa, tabata un Rubiano yama Segundo Jorge Adelberto "Boy" Ecury. Naci na Aruba dia 23 di april aña 1922, Boy a pasa su infancia riba e isla, prome cu su tata a mand'e Hulanda ora e tabatin 15 aña di edad pa continua cu su studio afo. Esaki tabata na aña 1937, tres aña prome cu e Segunda Guerra Mundial a plama. Durante e guerra, el a participa activamente den e rebeldia na Hulanda contra e regimen Nazi, pero su naturalesa rebelde y su determinacion pa bringa pa husticia a cuminsa hasta prome cu guerra. Como un persona di color cu un descendencia Haitiano bibando na Hulanda, e tabata vulnerable pa discriminacion, y esaki a inspir'e pa ta un activista, pa para y lucha contra discriminacion y opresion.

Despues di testigua e bombardeonan horroroso di Rotterdam, el a dicidi pa uni cu e resistencia.



Na mesun momento, e tabata studia ainda y bibando cu famia den e estado di Tilburg. Tabata eyan cu el a ser conoci cu un grupo cu a print y distribui e corant rebelde. Esaki lo ta e prome di tres grupo rebelde cu e lo uni cune durante su cuatro añanan den servicio pa e resistencia.

E tarea principal di Boy como miembro di e grupo tabata pa distrae soldadnan Aleman mientras otronan a core bay sconde den gangnan. Esaki e tabata logra haci pa via di su color di cuero y actitud confrontacional. Boy tambe a participa den varios operacion di sabotahe contra e ehército Aleman ocupando Hulanda. Esakinan ta inclui bombardeonan riba truck y treinnan militar. E grupo tambe a yuda hende sconde, como tambe confronta e alidnan di e regimen Nazi.

Na aña 1943, el a ricibi un nota cu e mester bay traha na Alemania. Esaki el a nenga, claro, y a bay sconde usando varios adres den varios ciudad. Pasobra e tabata un homber busca, claro e no por a continua ta activo como rebelde. Sinembargo, Boy semper tabatin cabes duro y tabata naturalmente rebelde, y pues a sigui purba participa den e operacionnan asina mes. Na aña 1944, despues cu su amigo Luis de Lannoy, un rebelde di Corsou, a ser aresta y ehecuta, el a muda bay Delft, unda el a uni cu su tercer y ultimo grupo rebelde na Rotterdam. Durante e periodo aki, el a skirbi un carta di despedida pa su famia, posiblemente cu e conocimiento di e riesgonan di ta rebelde atrobe den ciudadnan grandi.

Eventualmente el a prueba su mes corecto. Riba 5 di november, 1944, Boy Ecury a ser aresta pa soldadnan Aleman. A pone den costudia den e prison "Oranjestad" na Scheveningen, Den Haag,



unda el a ser cuestiona. A pesar cu hende a entreg'e na e soldadnan, e nunca a duna number di su camaradonan. Famosamente el a conta su compaño den prison: "Mi lo muri cu un sonrisa riba mi cara." Riba 6 di november 1944, Ecury a ser ehecuta. E tabatin solamente 22 aña di edad.

Ecury a haya reconocimiento militar despues di su morto. Na 1949, e gobierno di Aruba

a establece un estatua di dje dilanti loka awor ta Linear Park, y na 1984 el a ricibi e Crus Memorial di Resistencia. E lema di Boy tabata, "den cas di mi tata, no tin luga pa traidor." Fuente: "De Kolibrie op de Rots (en meer over the geschiedenis van Aruba)" pa Evert Bongers. Potretan di Coleccion di Biblioteca Nacional Aruba.